

法苑珠林卷第四十八

合八

唐西明寺沙門釋道世撰

誠勗篇第四十八

此有六部

述意部

誠盜部

誠罪部

誠學部

雜誠部

述意部第一

夫以立像表真恒俗彝訓寄指筌月出道常

規但以妄想倒情汎流固習無思悛革隨業
飄淪是以涅槃經云爲善清升譬同爪土爲
惡沉滯喻等地塵良由六賊俱至十使交縛
或比行廁盡瓶或擬危城坏器故將崩朽宅
三火恒然逃隱空聚五刀常逐井河引喻逼
形器於剎那屠肆牛羊切性命於漏刻亦如
鼠入脂角至窮何趣況復五濁交橫四山常
逼而能安忍不生憂悔所以大聖垂訓法喻

所歸止在誠約身心無染逸慾鑒舉力勵專
征省過但見臨死眼光失落眷屬叢聚對顏
難救嗚呼涕泗慨彼沉淪旣矚斯苦何不自
誠過由我生改不籍他猶有微善宅報在人
又逢遺法親見三寶脫生惡道對目莫知由
此悲痛無由息情矣

誠馬部第二

如中阿含經云時有調馬師名曰只尸來詣
佛所稽首佛足退坐一面白佛言世尊我觀
世間甚爲輕淺猶如群羊世間唯我堪能調
馬狂逸惡馬我作方便須臾令彼態病悉現
隨其態病方便調伏佛告調馬師聚落主汝
以幾種方便調伏於馬馬師白佛言有三種
法調伏惡馬何等爲三一者柔軟二者麌澁
三者柔軟麌澁佛告聚落主汝以三種方便

合八

二

調馬猶不調者當如之何馬師白佛遂不調者便當殺之所以者何莫令辱我調馬師白佛言世尊是無上調御丈夫爲以幾種方便調御丈夫佛告聚落主我亦以三種方便調御丈夫何等爲三一者一向柔軟二者一向麤澁三者柔軟麤澁佛告聚落主所謂一向柔軟者如汝所說此是身善行此是身善行報此是口意善行此是口意善行報是名天是名人是名善趣化生是名涅槃是爲柔軟

合八
第二一向麤澁者如汝所說是身惡行是身惡行報是口意惡行是口意惡行報是名地獄是名畜生是名餓鬼是名惡趣是名墮惡趣是名如來麤澁教調馬師白佛言世尊若

說身惡行有時說身惡行報有時說口意惡行有時說口意惡行報如是名天如是名人如是名善趣如是名涅槃如是名地獄如是名畜生餓鬼如是名惡趣如是名墮惡趣是名如來柔軟麤澁教調馬師白佛言世尊若以三種方便調伏衆生有不調者當如之何佛告聚落主亦當殺之所以者何莫令辱我調馬師白佛言若殺生者於世尊法爲不清淨世尊法中示不殺生而今言殺其義云何佛告聚落主如來法中示不殺生然如來法合八中以三種教授不調伏者不復與語不教不誠豈非死耶調馬師白佛實爾世尊不復與語永不教誠真爲死也以是之故我從今日離諸惡不善業也聞佛所說歡喜而去又法句喻經云佛問象師調象之法有幾答

曰有三何謂爲三一者剛鈎鈎口著其鞬靽二者減食常令飢瘦三者捶杖加其楚痛由鐵鈎鈎口故以制強口由不與食飲故以制身獵由加捶杖故以伏其心佛告居士吾亦

有三用調一切亦以自調得至無爲一者以

至誠故制御口患二者以慈貞故伏身剛強三者以智慧故滅意癡蓋持是三事度脫一切離三惡道

誠學部第三

如增一阿含經云一偈之中便出生三十七品及諸法義迦葉問言何等是時尊者阿難便說此偈

諸惡莫作衆善奉行自淨其意是諸佛教

所以然者諸惡莫作戒具之禁清白之行衆善奉行心意清淨自淨其意除邪顛倒是諸

佛教去愚惑想云何迦葉戒清淨者意豈不淨乎清淨者則不顛倒以無顛倒愚惑想滅諸三十七道品果便成就以成道果豈非諸法乎

誠盜部第四

如雜阿含經云時有異比丘在拘薩羅國人間止一林中時彼比丘有眼患受師教云應嗅鉢曇摩華時彼比丘受師教已往至鉢曇摩池側於池岸邊迎風而坐隨風嗅香時有天神主此池者語比丘言何以盜華汝今便是盜香賊也爾時比丘說偈答言

不壞亦不奪遠住隨嗅香汝今何故言我是盜香賊

爾時天神復說偈言

不求而不捨世間名爲賊汝今人不與

而自一向取 是則名世間 真實盜香賊
時有一士夫取彼蘿根重負而去爾時比丘

爲彼天神而說偈言

如今彼士夫 斷截分陀利 拔根重負去
便是姦姣人 汝何故不遮 而言我盜香

時彼天神說偈答言

狂亂姦姣人 猶如乳母衣 何足加其言
且堪與汝語 架裟汙不現 黑衣黑不汙
姦姣凶惡人 世間不與語 蠅脚汙素帛
明者小過現 如墨點珂貝 雖小悉皆現

時彼比丘復說偈言

善哉善哉說 以義安慰我 汝可常爲我

數數說斯偈

時彼天神復說偈言

我非汝買奴 亦非人與汝 何爲常隨汝

合八

五

數數相告語 汝今當自知 彼彼饒益事
誠罪部第五

如閻羅王五天使者經云佛告諸比丘人生
世間不孝父母不敬沙門不行仁義不學經
戒不畏後世者其人身死當墮地獄主者持

行白閻羅王言其過惡此人不孝等種種諸
過無有福德不恐畏死唯王處罰閻羅王常
先安德以忠正語爲現五使者而問言第一
汝不見世人始爲嬰兒強卧屎尿不能自護
口不知言不知好惡汝見以不人答已見王
言汝自謂不如是然人神從行終即有生雖
尚未見常當爲善自端三業柰何放心快志
造過人答愚暗不知王言汝自愚癡縱意作
惡非是父母師長君天沙門道人等過也罪
自由汝豈得不樂今當受之是爲閻王現第

一天使也第二閻王復問子爲人時天使次到汝能覺不人答不覺王曰汝不見世人年老髮白齒墮羸瘦僂步低行起居任杖不人答有是王曰汝謂獨免可得不老凡人已生法皆老耄常當爲善端身口心奉行經戒奈何自恣人答愚癡故爾王曰汝自以愚癡作惡非是父母君天沙門道人過也罪自由汝豈得不樂今當受之是爲閻王現第二天使也第三閻王復問子爲人時豈不見世間男女身有疾病身體苦痛坐起不安命近憂促衆醫不療不人答言有王曰汝可得不病耶人生旣老法皆當病聞身強健當勉爲善奉行經戒端身口意奈何自恣人答愚暗故爾王曰汝自以爲愚作惡非關父母君天沙門道人過也罪自由汝豈得不樂今當受之是

爲閻王現第三天使也第四閻王復問子爲人時豈不見世間諸死亡者或藏其屍或棄捐之至於七日肌肉壞敗狐狸百鳥皆就食之凡人已死身惡腐爛汝豈不見人答言有王曰汝謂獨免可得不死耶凡人已生法皆當死聞在世間常爲善事勑身口意奉行經戒奈何自恣人答愚暗故爾王曰汝自作惡非是父母君天沙門道人過也罪自由汝豈得不樂今當受之是爲閻王現第四天使也第五閻王復問子爲人時不見世間弊人惡子爲吏所捕取案罪所刑法加之或斷手足或削耳鼻或燒其形懸頭日炙或屠割支解種種毒痛不人答言有王曰汝謂爲惡獨可解耶眼見世間罪福分明何不守善勑身口意奉行經戒云何自快人答愚暗故爾王曰

汝自用心作不忠正非是父母君天沙門道人過也今是殃罪要當自受是爲閻王現第五天使也佛說經已諸弟子等皆受教誡各前作禮歡喜奉行

雜誡部第六

大法句經偈云

合八總十
一誠

七

一誠信

士有信行爲聖所譽 樂無爲者一切縛解比方世利 惠信爲明 是財上寶 家產非常欲見諸真 樂聽講法 能捨慳妬 此之謂信無信不習 好剝正言 如掘取水 掘泉揚泥 賢夫習智 樂仰清流 如善取水 要令不擾 信不染他 莫如斯載 如大象調 自調最勝 信財戒財 懈愧亦財 聞財施財 惠爲七財 生有此財 不問男女 終以不貪 賢者識真

二誠死

所以非常 謂興衰法 夫生輒死 此滅爲樂
如河駛流 往而不返 人命如是 逝者不還
生者日夜 命自刀削 壽之消盡 如榮穿水
常者皆盡 高者亦墮 合會有離 生者有死
衆生相刻 以喪其命 隨行所墮 自受殃禍
雖壽百歲 亦死過去 為老所逼 病倏至際
是日已過 命則隨減 如少水魚 斯有何樂
老則色衰 所病自壞 形敗腐朽 命終其然
是身何用 恒漏臭處 為病所困 有老死患
非有子恃 亦非父兄 為死所迫 無親可怙
晝夜慢惰 老不止姪 有財不施 不受佛言
有此四蔽 為自侵欺

三誠殺

合八
一爲仁不殺 常能攝身 是處不死 所適無患

不殺爲仁 慎言守心 是處不死 所適無患
彼亂已整 守以慈仁 見怒能忍 是爲梵行
至誠安徐 口無麤言 不瞋彼所 是爲梵行
垂拱無爲 不害衆生 無所嬈惱 是爲梵行
常以慈哀淨如佛教 知足知止 是度生死
普及賢美 哀加衆生 常行慈心 所適者安
晝夜念慈 心無剋伐 不害衆生 是行無仇

卧安寤安 不見惡夢 天護人愛 不毒不兵
水火不喪 在所得利 死升梵天 受樂自然
仁無亂志 慈最可行 慊傷衆生 此福無量

四誠意

惡言罵詈 懠陵蔑人 興起是行 疾怨茲生
遜言順辭 尊敬於人 奉結忍惡 疾怨自滅
夫士之生 斧在口中 所以斬身 由其惡言
爭爲少利 如掩失財 從彼致諍 令意向惡

心爲法本 心尊心使 中心念惡 罪苦自追
心爲法本 心尊心使 中心念善 福樂自隨
隨亂意行 拘愚入冥 自大無法 何解善言
隨正意行 開解清明 不爲嫉妬 敏達善言
慍於怨者 未常無怨 不慍自除 是道可宗
不好責彼 務自省身 如有知此 永滅無患
五誠邪

以真爲僞 以僞爲真 是爲邪見 不得眞利
知眞爲眞 見僞知僞 是爲正見 必得眞利
壁屋不密 天雨則漏 意不思正 邪法爲穿

食九
壁屋善密 雨則不漏 攝意惟正 邪匿不生

鄙夫染人 如近臭物 漸悉習非 不覺成惡
賢夫染人 如近香薰 進智習善 行成皎潔
正念常興 邪法自滅 自制正法 善名日增
當思念道 強守正行 健者得度 吉祥無上

尅己調心 行不放逸 施戒忍勤 定慧恒明
生不爲惱 死而不惑 禍福路分 升沉殊趣

六誠愚

愚著生死 莫知正法 愚昧無智 如居暗室
觸事昏馳 寒暑不辨 雖久修習 猶不知法
雖復施行 為身招患 快心作惡 自致重殃
愚所望處 不謂遭苦 臨墮危地 乃知不善
愚毒作惡 不能自解 犯追自焚 罪成熾然
愚人樂寢 憂感長興 昏昏暗室 如蠶處蠶
愚人樂惡 至死不休 雖與善言 反謂怨讐

罪猶未熟 愚將爲觀 至其熟時 自受大殃
愚好財色 曲夜無厭 如焦谷山 注水不盈
愚多造過 觸處被瞋 雖加杖捶 猶不自止

七誠惡

深觀善惡 心知畏忌 畏而不犯 終吉無憂

故世有福 今思紹行 善致其願 福祿轉勝
信善作福 積善不厭 信知陰德 久而必彰
喜法卧安 心悅意清 聖人演法 惠常樂行

賢人智者 齋戒奉道 如星中月 照明世間
弓師調角 合八 水人調船 工匠調木 智者調身

譬如厚石 風不能移 智者意重 毅譽不傾
譬如深泉 澄靜清明 慧人聞道 心淨欣然
斷除五陰 靜思智慧能自拯濟 顯理澄真
抑制情欲 志樂無爲 欽受正教 翼法常存

八誠縛

去離憂患 脫於一切 縛結已解 逍散自安
心淨得念 無所貪樂 已度枯涸 如鴈棄池
量腹而食 無所積藏 虛心無想 遠近無礙
度身而衣 不求餘長 省事無爲 無所羈靽
制想從正 如馬調御 捨憣棄慢 為天所敬

不怒如地 不動如山 真人無垢 生死世絕
心以休息 言行亦止 從正解脫 寂然歸滅

棄惡無著 破壞三界 情色永絕 是謂上智
在聚若野 處染不染 應真所歎 莫不蒙祐
常樂空閑 衆人不逮 快哉上士 天人欽仰

九誠誦

雖誦千言不行何益 不如一聞 勸修得益
雖誦千言句義不正 不如一要 聞可滅意
雖誦千言不義何益 不如一義 聞行得度
雖誦千言不敬何益 不如一行 欣樂奉修
雖誦千言我心不減 不如一句 捨憍放逸
雖誦千言求名逾著 不如一說 奢執離著
雖誦千言色情逾固 不如一解 心境忘懷
雖誦千言不求出世 不如一悟 絶離三界

合八

十一

雖誦千言不存悲智不如一聽 自他兩利
十誠行

人壽百歲慳貪逾盛 不如一日 割捨財色
人壽百歲樂不持戒 不如一日 淨心守戒
人壽百歲多忿不忍 不如一日 舍喜不瞋

人壽百歲怠惰不勤 不如一日 策勤身心

人壽百歲情欣放逸 不如一日 歸心空寂
人壽百歲昏暗識心 不如一日 洞悟無明
人壽百歲拙御身心 不如一日 巧便運致
人壽百歲常懷怯弱 不如一日 勇猛慧力

人壽百歲不起善願 不如一日 發行四弘
人壽百歲不生一智 不如一日 慧性聰利

十一誠口

雜阿含經諸天說偈云

士夫生世間 斧在口中生 還自斬其身

斯由其惡言 應毀便稱譽 應譽而更毀
其罪口中生 死則墮惡道

頌曰

建志誠心愚 高慕欣明儔 相與立弘誓
捨俗慕閑丘 蕭散人物外 晃朗免綢繆
寂寂求誠真 壤壠勵心柔 警策修三業
激切澄四流 興心願弘誓 救溺運慈舟
嘉期歸妙覺 善會涅槃修 存心入正道
立志三祇休

感應緣

略引
合八

晉沙門釋支遁

周沙門釋道安

齊沙門釋亡名

晉沙門釋僧範

晉剡沃洲山有支遁字道林本姓關氏陳留人或云河東林慮人幼有神理聰明秀徹晉王羲之覩遁才藻驚絕罕儔遂披衿解帶留

連不能已仍請住靈嘉寺意存相近又投迹剝山於沃洲小嶺立寺行道僧衆百餘常隨票學時或有惰者遁乃著座右銘以勗之曰勤之勤之至道非孜奚爲淹滯弱喪神奇茫茫三界眇長羈勞外湊冥心內馳殉赴欽渴緬邈忘疲人生一世消若露垂我身非我云云誰施達人懷德知安必危寂寥清舉潔累禪池謹守明禁雅說玄規綏心神道抗志無爲察朗三蔽融治六疵空洞五陰虛豁四支非指喻指絕而莫離妙覺旣陳又玄其知死轉平任與物推移過此以往勿思勿議周渭濱沙門亡名法師自誠云夫以迴天倒日之力一旦草彫岱山磐石之固忽焉燼滅定知世相無常浮生虛偽譬如朝露其停幾何大丈夫生當降魔死當飼虎如其不爾徒

生何益不如修禪定足以養志讀誦經足以
自娛富貴名譽徒勞人耳乃棄其簪弁剃其
鬚髮衣衲杖錫聽講談玄戰國未寧安身無
地自厭形骸甚於桎梏思絕苦本莫知其津
大乘經曰如說行者乃名是聖不但口之所

合八

十三

言小乘偈曰

能行說爲正 不行何所說 若說不能行

不名爲智者

所以顏回好學勤改前非季路未修懼聞後
語功勞智擾役神傷命爲道日損何用多知
誓欲枯木其形死灰其慮降此患累以求虛
寂乃作絕學箴亦名息心贊擬夫周廟其銘
曰法界內有如意寶人焉久滅其口銘其膺
曰古之攝心人也誠之哉誠之哉無多慮無
多知多知多事不如息意多慮多失不如守

一慮多志散知多心亂心亂生惱志散妨道
勿謂何傷其苦悠長勿言何畏其禍鼎沸滴
水不停四海將盈纏塵不拂五岳將成防末
在本雖小不輕闢爾七竅閉爾六情莫窺於
色莫聽於聲聞聲者聲見色者盲一文一藝
空中小蚋一伎一能日下孤燈英賢才藝是
爲愚弊捨棄淳樸耽溺淫麗識馬易奔心緩
難制神旣勞役形必損斃邪逕終迷脩途永
泥英賢才能是曰惛懵誇拙羨巧其德不弘
名厚行薄其高速崩塗舒翰卷其用不恒內
懷憍伐外致怨憎或談於口或書於手邀人
令譽亦孔之醜凡謂之吉聖以之咎賞悅暫
時悲憂長久畏影畏迹逾走逾劇端坐樹陰
迹滅影沉歇生患老隨思隨造心想若滅生
死長絕不死不生無相無名一道虛寂萬物

合八

十四

齊平何勝何劣何重何輕何賤何辱何貴何
榮澄天愧淨皎日慙明安夫岱岳固彼金城
敬貽賢哲斯道利真

周京師大中興寺釋道安姓姚氏馮翊故城
人識悟玄理早附法門神氣高朗挾操清遠

乃作遺誠九章以訓門人其詞曰敬謝諸弟

子等夫出家爲道至重至難不可自輕不可
自易所謂重者荷道佩德榮仁負義奉持淨
戒死而後已所謂難者絕世離俗永割親愛
迴情易性不同於衆行人所不能行割人所
合八

不能割忍苦受辱捐棄軀命謂之難者名曰
道人道人者導人也行必可履言必可法被
服出家動爲法則不貪不諍不譖不匿學問
高遠志在玄默是爲名稱參位三尊出賢入
聖滌除精魂故得君王不望其報父母不望

其力普天之人莫不歸攝捐妻減養供奉衣
食屈身俯仰不辭勞恨者以其志行清潔通
於神明憇怡虛白可竒可貴自獲荒流道法
遂替新學之人未體法則棄正着邪忘其真
實以小黠爲智以小恭爲足飽食終日無所

用心退自推觀良亦可悲計今出家或有年
歲經業未通文字不決徒喪一世無所成名
如此之事不可深思無常之限非旦即夕三
塗苦痛無強無弱師徒義深故以申示有情
之流可爲永誠其一卿已出家永違所生剃
合八十五

髮毀容法服加形辨親之日上下涕零割愛
崇道意凌太清當遵此志經道修明如何無
心故存色聲悠悠竟日經業不成德行日損
穢積遂盈師友慙恥凡俗所輕如是出家徒
自辱名今故誨勵宜當專精其二卿已出家

棄俗辭君應自誨勵志果清雲財色不顧與
世不群金玉不貴惟道爲珍約已守節甘苦
樂貧進德自度又能度人如何改操趨走風
塵坐不暖席馳務東西劇如徭役縣官所牽
經道不通戒德不全朋友嗤弄同學棄捐如
是出家徒喪天年今故誨勵宜各自憐其三

合八十五

日

其三

學雖不多可濟上賢如是出家足報二親宗
族知識一切蒙恩今故誠汝宜各自敦_{其八}
卿已出家性有昏明學無多少要在修精上
士坐禪中士誦經下士堪能塔寺經營豈可
終日一無所成立身無聞可謂徒生今故誨

汝宜自端情。其九卿已出家。永違二親道法。
革性俗服。離身辭親之日。乍悲乍欣。邈爾絕
俗。超故埃塵。當修經道。制已履真。如何無心
更染俗。因經道已薄。行無毛分。言非可貴。德
非可珍。師友致累。恚恨日殷。如是出家。損法
辱身。思之念之。好自將身。

齊鄴東大覺寺釋僧範姓李平鄉人也戒德
清高守禁無虧嘗宿他寺意欲聞戒至於十
五日說戒之夜衆議共停說戒乃爲法集有
僧升座將欲堅義叙云堅論法相深會聖言

合八

十七

一五三一

布薩常聞擊難爲勝忽見一神形高丈餘貌甚雄峻壅聳驚人來到座前問豎義者今是何曰答曰是布薩日神即以手搨之曳之下座委頓垂死次問上座問答同前搨還將死陵害二三上座已神還掉臂而出當時道俗

共覩非一範師旣見斯異乃自勤力兼策大
衆至於一生無敢說欲縱有病重不堪勝舉
請僧就病人所恭敬說戒闇境僧尼承斯徵
誠至布薩日亦不虧法右四 誠出
渠高僧傳

音釋

縗 窢戶局切
寢 疾郢切
瘞 坑也
瘞 無匪切
不 倦之意
殉 閨松
切 絶小水
也 痘也
也 坑也
也 無匪切
從 以身
物 物也
簪 簪也
弁 簪緇深切
弁 冠簪也
弁 故死昆意
手 手打也
也 死也
也 死也
也 昆意切

殮 宰也 疾郢切 絶小水 **壠** 倦之意 **不殉** 閨松
葬 宰戶高切 絶小水 **壠** 倦之意 **不殉** 閨松
寢 以身 **簪弁** 簪緇深切 **冠簪** 也 敝昆意切
從物 也 **弁** 皮面切 **冠弁** 也 敝昆意切
手打 兄切 **死** 死也

六二

龍
編